

## No independence since 1917

استقلالنا ككنعانيين: قبل ١٤٨٥ ق.م؛ ١١٨٦ ← ٧٣٦ ق.م؛ ٦٣٦ ميلادي ← ١٠٩٩؛ ١٢٩٢ ← ١٣٨٢. استقلال مسلمي لبنان: ٦٣٦ ← ١٩١٧. غير هيك ما حدا استقلّ. استقلال = #يا\_فدرالية\_يا\_تقسيم\_#يا\_اتحادية\_يا\_تقسيم

توضيحًا للتواريخ وللمغزى،

من بزوغنا ككنعانيين حوالي ٣٥٠٠ ق.م. لسنة الـ ١٤٨٥ ق.م.، مرق علينا (مجموعين) شي ١٣٣ سنة "فقط" من الاحتلالات بين الكنديين ومصاروي وحوريين.

من ١٤٨٥ لـ ١١٨٦: احتلال مصري وحثي. (كلو باختصار).

بعدان رواق (مع بعض الاستثناءات) فدخل الاشوريين فالبابليين فالفرس فالإغريق فالرومان (والبيزنطيين بعد الانقسام الروماني) فالمسلمين سنة ٦٣٦ وخروج البيزنطيين.

الكنعانيين تحت تسمية موارنة / سريان / لبنانيين حافظوا على استقلالن بالجبل (يلي صبح غير محتل لا من بيزنطيا ولا من المسلمين رغم انو صارت رقعتن تصغر بخسارتن للشوف وعاليه ووادي حمانا وعكار والضنية)، فكانوا مستقلين (وغير خاضعين للذمية ولا للجزية) وان محاصرين مخنوقين... لحد دخول الاحتلال الصليبي سنة ١٠٩٩... اكيد تنفسوا مع الصليبيين رغم انو كان في صدامات، وعمليًا الصليبيين كانوا احتلال.

بخروج الصليبيين سنة ١٢٩٢، رجعوا محاصرين ولكن كمان مستقلين (بظروف القاهرة مع المماليك البحريين) لحد ١٣٨٢.

سنة ١٣٨٢، قبلوا الاحتلال من المماليك البرجيين مقابل اعطاء الاخيرين الن الامتيازات: اذن فك الحصار والرضوخ للاحتلال ولكن لا تطبيق لأحكام الذمة ولا جزية.

الامتيازات يعني استقلال ذاتي (ودائمًا نسبي) ثقافي واجتماعي وديني، بس بالقانون (وماليًا) واداريًا هالشي ما اسمه استقلال. وهيك كفيًا مع الدولة الاسلامية الموصوفة بالتركية / العثمانية.

وكمنا، بعد ١٩١٧، ما فينا نحكي عن استقلال بدخول الفرنسيين ولا ضمن دولة لبنان يلي دستورها مركزي، لان ارتباطنا بالمسلمين (والعكس) مش عاطينا استقلال بالتصرف كما نشاء. المارونية السياسية واي تصرف كما نشاء عمكون بالقوة او بمنع المسلمين بانو يتصرفوا مثل ما بدن بما اتيح لنا من خيارات مقاومة عسكرية او سياسية. هيدا مش استقلال.

كمنا، المسلمين كانوا متسقلين من وقت دخولن الى لبنان (اعتمدنا ٦٣٦ اي خسارة البيزنطيين بالمشرق) وضم قسم من لبنان الى الدولة الاسلامية يلي استمرت لسنة ١٩١٧ بلبنان، وانتهت عتًا بدخول البريطانيين. اكيد كان الها اسامي مختلفة وفق عيلة الخليفة الحاكمة او إتنية الخليفة او اعتبارات اخرى (الراشدية / الاموية / العباسية / الفاطمية / المملوكية / التركية - العثمانية). [المماليك عمليًا دويلة عباسية]

وبعد ١٩١٧، نفس الحديث يلي حكيناه عن المسيحيين فوق بينطبق عليين.

زيدوا فوق هول الخلافات المسلمة المذهبية بين سنة / شيعة / دروز وعلويين والخلافات المسلمة الإثنية (عرب / فرس / اكراد / اترك...)، ولكن هول امور داخل الامة المسلمة. وكمان عمبتكلفن غالي، للأسف.

وهيدا كلو عدا انو دولة لبنان غير موجودة لتكون مستقلة، وكانت مستقلة شرعياً لفترة وجيزة بالشكل من ال ٤٣ لل ٧٥، لكن بلا استقلال الشعب اللبناني عملياً، بناءً على ما ورد اعلاه، في خضم الصراعات يلي ما وقفت ولا نهار من سنة ٧٣٦ ق.م.، يعني من وقت دخول الاشوريين، يعني من ٢٧٦٠ سنة...